



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 212, Datë 15.12.2020

MBI

LËNIEN NË FUQI TË VENDIMIT NR. 266, DATË 21.12.2018.

Në mbështetje të (i) nenit 16; (ii) nenit 19, gërma “c”, pika i); (iii) nenit 20, gërma “c”; (iv) nenit 21 dhe (v) nenit 55, pika 1, të Ligjit nr. 43/2015, “Për Sektorin e Energjisë Elektrike”, i ndryshuar, “Metodologjisë së llogaritjes së tarifave të transmetimit të energjisë elektrike”, miratuar me vendimin e bordit të Enti Rregullator i Energjisë (ERE) nr. 180, datë 08.11.2017, si dhe neneve 15 dhe 19, pika 1, gërma “c” të “Rregullores së organizimit, funksionimit dhe procedurave të ERE-s”, miratuar me vendimin e bordit të ERE-s, nr. 96, datë 17.6.2016, bordi i ERE-s në mbledhjen e tij të datës 15.12.2020, mbasi shqyrtoi relacionin nr. 132/8 Prot, datë 11.12.2020, të Drejtorisë së Tarifave dhe Çmimeve në lidhje me shtyrjen e fuqisë juridike të vendimit nr. 266, datë 21.12.2018,

Konstatoi se:

- Shoqëria Operatori i Sistemit të Transmetimit (OST sh.a.) me shkresën nr. 5686 Prot, datë 24.09.2020, ka paraqitur kërkesën për aplikim për tarifën e transmetimit të energjisë elektrike për vitin 2021, sipas materialit që OST sh.a. i ka bashkëngjitur kësaj shkrese.
- Bordi i ERE-s me vendimin nr. 163, datë 22.10.2020, ka vendosur mosfillimin e procedurës për shqyrtimin e aplikimit të shoqërisë OST sh.a. për miratimin e tarifës së shërbimit të transmetimit të energjisë elektrike për vitin 2021.
- Në vijim, shoqëria OST sh.a. me shkresën nr. 6731, datë 09.11.2020, ka paraqitur një kërkesë për rishikimin e vendimit të bordit të ERE-s nr.163, datë 22.10.2020, “Mbi aplikimin e shoqërisë OST sh.a. për miratimin e shërbimit të transmetimit të energjisë elektrike për vitin 2021”.
- Bordi i ERE-s me vendimin nr. 206, datë 11.12.2020, ka miratuar rrëzimin e kërkesës së shoqërisë OST sh.a. për rishikimin e vendimit të bordit të ERE-s nr. 163, datë 22.10.2020, mbi “Mos fillimin e procedurës për shqyrtimin e aplikimit të shoqërisë OST sh.a. lidhur me miratimin e tarifës së kërkuar prej 1.31 lekë/kWh për shërbimin e transmetimit të energjisë elektrike për vitin 2021”.
- Në vijim të sa më sipër evidentuar dhe në kushtet kur:
 - Aplikimi i paraqitur nga shoqëria OST sh.a. për përcaktimin e tarifës së shërbimit të transmetimit të energjisë elektrike për vitin 2021 është refuzuar nga bordi i ERE-s me vendimin nr. 163, datë 22.10.2020;
 - Kërkesa për rishikimin e vendimit të bordit të ERE-s nr. 163, datë 22.10.2020,

mbi “Mos fillimin e procedurës për shqyrtimin e aplikimit të shoqërisë OST sh.a. lidhur me miratimin e tarifës së kërkuar prej 1.31 lekë/kWh për shërbimin e transmetimit të energjisë elektrike për vitin 2021”, është refuzuar nga bordi i ERE-s me vendimin nr. 206, datë 11.12.2020;

- Në mënyrë që shoqëria OST sh.a., të mund të vijojë realizimin e aktivitetit të saj dhe përgjatë vitit 2021 sipas kushteve të licencës për operimin e sistemit të transmetimit të energjisë elektrike, të lëshuar në përputhje me Ligjin nr. 43/2015, “Për Sektorin e Energjië Elektrike”, i ndryshuar, bëhet e domosdoshme që shoqëria të vijojë faturimin bazuar në tarifën e transmetimit të miratuar nga ERE.
- Në vlerësimet e ERE-s, llogaritet se tarifa aktuale e shërbimit të transmetimit të energjisë elektrike i ka krijuar shoqërisë OST sh.a, rezerva të ardhurash të mjaftueshme për mbulimin e shpenzimeve operative ku përfshihet dhe prokurimi i shërbimeve ndihmëse në tregun e lirë.

Për gjithë sa më sipër, bordi i ERE-s

Vendosi:

1. Lënien në fuqi të vendimit nr. 266, datë 21.12.2018, të bordit të ERE, në lidhje me tarifën e shërbimit të transmetimit të energjisë elektrike deri në aplikimin për përcaktimin e tarifave të shërbimit të transmetimit të energjisë elektrike nga shoqëria OST sh.a., në përputhje me kërkesat e metodologjisë së llogaritjes së tarifave të transmetimit të energjisë elektrike.
2. Nëse do të ketë efekte në të ardhurat e shoqërisë OST sh.a., tarifa mesatare e transmetimit do të axhustohet/korrigjohet në zbatim të përkatimeve të pikës 7, të nenit 11, të Metodologjisë së llogaritjes së tarifave të transmetimit të energjisë elektrike të miratuar me vendimin e bordit të ERE-s nr. 180, datë 08.11.2017.
3. Drejtoria e Tarifave dhe Çmimeve, të njoftojë palët e interesit për vendimin e bordit të ERE.

Ky vendim hyn në fuqi menjëherë dhe e shtrin fuqinë juridike që nga data 01.01.2021.

Për këtë vendim mund të kërkohej rishikim brenda 7 ditëve kalendarike si dhe mund të bëhet ankimi në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI I ERE

Petrit AHMETI